

堅

瓠

集

堅瓠七集卷之三目錄

燭花呈瑞

冷香聯句

賦藕

于國寶詞

題畫鵲

宣和詞識

黃衣少年

琵琶亭

龍祠題葉

金華神女

洞庭詩鬼

洛陽花神

老妓集句

持節和戎

落籍從良

春風柳絮

嚴陵祠

二宋落花詩

唐子西題梅

莫惱翁曲

題僧窓

同名詩

孫巨源恨詞

中興野人

魚籃觀音

盧兼題詩

梅詞

夢游玉京

賞心亭

懿卿善笛

漁家傲

魏公清望

題詩占度

題詩齋宮

薦福碑

歌詞感德

春月勝秋

賦假山

錢叅政夢

體方奇遇

五月菊

九字詩

詩呈關吏

沈石田

詠酒

擊鼓催花

韓汝節題松

韓汝慶詞

濯足圖

五指山

代試

無眼無頭

俗諺題破

宋人戲破

胡仲默善破

江王對句

相國寺僧

軟紅塵

改觀爲寺

喇叭曲

十二時頌

重刻褚石農堅瓠集卷之三

司上留香閣主人較刊

燭花呈瑞

紹興間洪景盧邁在臨安試詞科三場畢
與五友同過抱劍街孫氏小樓夜月如晝
臨窗小酌兩燭結花燦然若連珠孫媚黠
慧白坐中曰今夕桂魄皎潔燭花呈祥五
君較藝爾省高捷無疑請各賦一詞爲他

日佳話何自明卽操筆作浣溪沙一闕曰
草草盃盤訪玉人燈花呈喜坐添春邀郎
覓句更奇新黛淺波嬌情脉脉雲輕柳弱
意真真從今風月屬閒人衆傳觀歎賞獨
恨未句失意景廬續臨江仙曰綺席留歡
歡正洽高樓佳氣重重釵頭小篆菊花紅
直須將喜事來報主人公桂月十分春正
半廣寒宮殿蕊蕊姮娥相對出欄東雲梯

知不遠平步躡東風孫滿酌一觥相勸曰
望士必高中此瑞殆爲君設也已而景盧
果奏名賜第餘皆不偶

冷香聯句

蘇老泉一日家集舉香冷二字一聯爲令
倡云水向石邊流出冷風從花裏過來香
東坡云拂石坐來衣帶冷踏花歸去馬蹄
香頴濱云原闕

冷梅花彈遍指

堅瓠集

卷三

二

頭香小妹云明月杜鵑啼舌冷宿花蝴蝶
夢魂香

賦藕

胡致隆號蕭灘居士與黃山谷往來坐上
分題胡得藕遂賦云平生冰雪姿七星羅
心胸豈無有絲毫上禪天子聰而不自薦
達胡爲乎泥中沉疴正無賴安得君從容
其子亦可憐風味如乃翁

于國寶詞

乾道淳熙間壽皇以天下養往往修舊京
金明池故事以安太上之心湖上御園南
有聚景直珠兩屏北有籍芳延祥玉壺然
多幸聚景一日御舟經過斷橋旁有酒肆
頗潔雅中飾素屏書風人松詞于上光堯
停目稱賞久之宣問何人所作對曰大學
生于國寶醉筆也其詞云一春嘗盡買花

錢日口醉湖邊玉驄慣識西湖路
騎嘶過沽酒樓前紅杏香中歌舞綠楊影裏鞦韆
暖風十里麗人天花壓髮雲偏畫船載得
春歸去餘情付湖水湖烟明日重携殘酒
來尋陌上花銷光堯笑曰此詞甚好但重
携殘酒未免寒酸因改爲明日重扶殘醉
即日寧 張謁六

畫鵲

宣和初何文鎮處爲中書舍人道君皇帝
以御書雙鵲賜之韓子蒼勑時爲校書郎
賦詩二章曰君王妙畫出神機弱羽爭巢
並占時想見春風鳩鵲觀一雙飛上萬年
枝又令人簪筆上蓬山轅路春風從駕還
天上飛來兩鳥鵲爲傳喜色到人間

宣和詞識

宣和四年預借元宵有詔詞云太平無事

四遠寧靜狼烟渺國泰民安謾說堯舜禹
湯好萬民翹望彩都門龍燈鳳燭相照只
聽得教坊雜劇歡長美人巧寶籙宮前呪
水書符斷妖更夢近竹林深處勝蓬島笙
歌間柰吾皇不待元宵景色來到只愁後
月陰晴未保中秋帝在苑中賦晚景一聯
云日映晚霞金世界月臨天宇玉乾坤宰
臣皆稱賀次年金人祀順一帝北狩

黃衣少年

明鄭翰卿客西亭侯邸第晝寢夢一黃衣
少年邀至左廡下共飲呼一麗人至靚粧
絕代少年自起舞歌春游之曲曰芳草多
情王孫未歸遲我良朋東風吹衣麗人作
迎風之舞歌春愁之曲曰老鶯巧婦送春
愁幾度留春更不留昨日漫天吹柳絮玉
人從此懶登樓鄭正叔適少年曰文羌校

尉來矣見一人綠袍危冠跟蹠而至罷席
加起視庭中牡丹一花映日婉媚一黃
蝶翩翩不去乃花神與少年耳綠葉上一
蟬蛭長二寸許則文美校尉也其年西華
薨翰卿過歸

琵琶亭

明吳江沈韶年弱冠美姿容嘗和薩天錫
韻題吳中二首爲時輩所稱洪武初避徵

辟泛舟游裴漢次九江登琵琶亭月下彷彿聞歌聲有司馬青衫之感明日復往徙倚亭中有麗人冉冉而來呼部同齒而坐曰妾僞漢陳主婕妤鄭婉娥也年二十而死殯于亭側命侍兒鈿蟬設酒餽歌念奴嬌二闕曰昨夕郎所聞也日占一律贈韶曰鳳艦龍舟事已空銀屏金屋夢魂中黃蘆晚日空殘壘碧草寒煙鎖故宮墜道魚

燈油欲盡粧臺鏡匣長封憑君莫話興
亡事淚濕胭脂損舊容韶荅詩云結綺臨
春萬戶空幾番揮淚夕陽中唐壞不見新
留襪漢燕猶餘舊守宮別苑秋深黃葉墜
寢園春盡碧苔封自慚不是牛僧孺也向
雲堦拜玉容韶與留連半載談元未羣雄
興廢及僞漢宮中事歷歷可記臨別以金
條脫爲贈同游梁生作琵琶佳遇歌

龍祠題葉

張士傑客壽陽被酒歷淮陽濱入龍祠見
後帳龍女塑像甚美取桐葉題詩云我是
夢中傳彩筆書於葉上寄朝雲投帳中頃
之恍惚如聞帳內微吟云落帆且泊小沙
灘霜月無波淮上寒苦向江湖得消息爲
傳風水到長安士傑沉醉既醒孤坐廟門
忽覩一女奴謂之曰娘子傳語還君桐葉

勿復置念遂冉冉而沒

金華神女

汴梁吳某以事過錢塘道出晉陵鱗望望
亭月朗風清危坐舷上見有緋衣披髮持
兩炬自竹林間出後一女子年十八九冠
鳳玉冠曳鮫綃文錦之衣顏色甚麗吳見
而驚頃至岸側回叱緋衣者曰可去矣無
久留也于是滅炬而去女子登舟謂吳曰

頃見緋衣者乎此君之夙讐也索君且數
十年矣今方得之第以我故得免否則君
當死其手生聞之益驚駭女子笑曰君怯
耶吾蓋金華神也過去生中與君爲姻好
竊知君將有不濟故相救耳今事已已我
亦當去君矣遂去不復返顧吳目送至林
中不見將掩關忽見女子坐其後吳大驚
女子曰知君怯故相戲安有數十年睽索

一得邂逅而遽往者耶遂入舟中取酒共
飲語言諧謔悉如常人天將明謂吳曰舟
戢已有曉色勢不能久留當與君子訣矣
後十年君遊華山日多置脂粉于路隅梧
桐下揚之或可得一會也因索筆題詩一
絕贈之曰羅襪香消九九秋淚痕空對月
明流塵埃不見金華路滿目西風總是愁
相與流涕歔歔而去

洞庭詩鬼

正德末洞庭包山茹家園中有鬼能詩自
稱終南山道人俗呼爲風流神鬼與人飲
酒酬酢諸謔無所不佳其詩曰自入空山
歷歲華幾經葉落幾經花諸君問我原蹤
跡太華峯頭第一家洞庭秋水碧玻璃日
浸東方月浸西萬里紅塵渾不到可能着
我道人栖暝烟一抹起山城返照林間石

壁晴多少樓臺脚倒景獨容仙客看分明
歲餘別去留青別札載詩甚多

洛陽花神

洛陽李中書映居郊外流水谿橋廣植花
卉偶秋雨乍晴輕涼襲袂閒步門外見雙
鬟冉冉而來高髻靚粧色甚殊艷迎謂映
曰娘子傳語郎君特來相候俄而青水持
茵席帷帳陳設堂中珠玉輝映異香滿室

映惺然忽繡車一乘一美人年可十六七
丰姿綽約降車入門與映相見映甚疑懼
美人遽命從者設饌陳杯皿食物皆非人
世所有酒再行語稍款洽映因問文郎何
來美人笑不荅固請之曰吾洛陽花神耳
謁紫宸妃謁見此地多名花欲與君作半
日清歡耳當此雅叙何惜一詩命雙鬟進
碧羅箋映卽賦曰花深竹塢傍幽蹊葉上

秋光濕露低歌舞留人天半月玉真何事
楚雲歸美人咏曰金譙漏盡玉樓開舞罷
霓裳下楚臺更憶人間秋色好五雲縹緲
一重來詩畢美人顧映歎曰良會未幾後
期無日入天路殊暌隔何似今茲一見固
是夙緣無煩想念也遂命引燭升章映送
至門未數十步車輿人物恍惚而沒映玩
其詩出以示人未嘗不嗟惋云

老妓聯句

江陰卞郎中華伯榮與嘉善姚御史綬皆
正統中詩人嘗集古句聯老妓詩云天涯
歸計欲如何記得雲間第一歌氣力已無
心尚在髯毛白畫興還多池邊命酒憐風
雨洞口經春長薜蘿留得舊時殘錦在往
來星騎一相過

持節和戎

漢書西域傳馮夫人名嬪漢宮人也善史
書習政事嘗錦車持節和戎外國敬信之
號曰馮夫人楊升庵云此事甚奇而六朝
唐人無入篇詠者惟劉孝威有錦車勞遠
駕句駱賓王錦車朝促候刁斗夜傳呼徐
堅詩雲搖錦車節月照角端弓僅一句一
聯而已此事可盡可歌勝于咏明妃之矣
節文姬之傷化多矣

落籍從良

元祐中蘇東坡自錢塘被召過京口時林
子中作守郡有宴會坐中營妓出牒鄭容
求落籍高望求從良子中命呈東坡東坡
索筆爲減字木蘭花書牒外鄭莊好客
容我尊前時墜幘落筆風生籍籍聲名滿
帝京高山白早瑩骨冰肌那解老從此
南徐良夜清風月滿湖蓋句端有鄭容落

籍高瑩從良八字云

春風柳絮

王荆公題江寧道中驛舍一聯云茅店滄
洲一酒旗午烟孤起隔林炊王介見而鄙
之書其後云金陵村裏王夫子可是能吟
富貴詩荆公見之亦不屑意乃續之云江
晴日煖蘆花起恰似春風柳絮時末句蓋
譏介之輕狂也

嚴陵祠

范文正公過嚴陵祠會吳俗歲祀里巫迎
神但歌滿江紅有湘江好洲漠漠波似染
山如削逮嚴陵灘畔鷺飛魚躍之句公曰
吾不善音律撰一絕送神曰漢包六合網
英豪一箇冥鴻惜羽毛世祖功臣三十六
雲臺爭似釣臺高吳俗遂因而歌之

二宋落花詩

宋郊宋祁初未有名夏竦謫守安州二人
以布衣游學席上命作落花詩公序賦云
一夜東風拂苑牆歸來何處剩淒涼漢皇
珮冷臨江失金谷樓危到地香淚臉補痕
煩獺髓舞臺收影費鸞腸南朝樂府休廢
曲桃葉桃根盡可傷子京賦云墜葉翻紅
各自傷青樓烟雨忍相忘欲飛更作迴風
舞已落猶成半面妝滄海客歸珠迸淚章

臺人去骨遺香可憐無意傳雙蝶盡委花
心與蜜蜂房詩成竦驚歎曰咏落花而不言
落大宋須狀元宰輔小宋非所及然亦登
殿近終皆如其言

唐子西題梅

丹稜唐子西庚嘗見桃李盛開而梅尚存
數株因作詩云桃花能紅李能白森深無
處無顏色不應尚有數株梅可是東君苦

留客回來開處堂嚴冬桃李未在交游中
只今已是丈人行勿與年少爭春風張無
盡見之大加稱賞

莫惱翁曲

王通叟觀嘗作莫惱翁曲云穀垂乾穗豆
垂角雨足平登不勝樂烏巾紫領銀鬚長
白酒滿盃翁自酌翁醉不知秋色涼兒將
翁鬚孫撼味莫惱翁翁年已高百事慵

題僧窓

范堯夫純仁帥陝府日有屬縣令偶至村
寺少憩旣飯步行廊廡間見一僧房雅潔
寂無人聲案有酒一瓢令戲書一絕于窓
紙云爾非慧遠我非陶何事窓間酒一瓢
僧野避人聊自醉臥看風竹影蕭蕭不知
其僧俗家先有事坐罪僧乃截取窓字黏
于狀前訴府謂有銀盃爲廳吏所匿今爲

施主迫取伏乞追鞠堯夫曰爾爲僧法當
飲乎乃杖而遣之其失物令施主來申理
持其狀付之火後縣令聞之修書致謝堯
夫曰不記有此事乃還其書

同名詩

王履道安中初爲東坡門下士頗有文名
後附蔡京遂叛東坡安中在京師見人家
亭上題字筆勢灑落不着姓而其名則安

中也王驚問何人所書守者曰此河朔何
安中也王悲人莫之辨戲書一詩于後云
蜀客更名緣好尚漢臣書姓爲同官蓋公
自合名驚座子夏尤宜辨小冠益號文章
囚二李^雙書制誥有雙韓兩立各自分南
北付與時人子細看終篇皆用同名事

孫巨源恨詞

孫巨源洙在翰林日與李端愿太尉往來

尤數會一日鎖院宜召者至其家則出數十輩蹤跡之得于李氏第時李新納妾能琵琶孫飲不肯去而迫于宣命入院幾二鼓矣遂草三制罷復作菩薩蠻詞以記別恨遲明遣示李其詞曰樓頭尚有三通鼓何須抵死催人去上馬苦匆匆琵琶曲未終回頭凝望處那更廉纖雨漫道玉爲堂玉堂今夜長

中興野人

高宗南渡有稱中興野人和東坡念奴嬌
詞應吳江橋上車謁巡師江表過而觀之
韶物色其人不復見矣炎精中否歎人才
委靡都無英物胡騎長驅三犯闕誰作長
城堅壁萬國奔騰兩宮幽陷此恨何時雪
草廬三顧豈無高臥賢傑天意眷我中興
孝皇神武踵曾孫周發河海封疆俱效順

狂敵何勞灰滅羣羽南巡扣闕無路徒有
衝冠髮抵忠耿耿劍鋌冷浸秋月

魚籃觀音

壽涯禪師咏魚籃觀音漁家傲詞云深願
弘慈無縫罅乘時走入衆生界窈窕丰姿
都汲寒提魚賣堪笑馬郎來納敗 清冷
露濕金欄壞茜裙不把珠璣蓋特地掀來
呈捏怪牽人愛還盡幾多菩薩債

盧秉題詩

元豐初盧秉爲江南郡掾題詩傳舍云青
衫白髮病叅軍旋羅貢梁置酒罇但得有
錢留客醉也勝騎馬傍人門王介甫見而
稱之力薦于朝數年登卿貳

梅詞

宋齊愈字退翁徽宗一日召謂曰卿文章
新奇可作梅詞須是不經人道語齊愈立

進眼兒媚詞曰霏霏疎影轉征鴻入語暗
香中小橋斜渡曲屏深院水月濛濛人
間不是藏春處玉笛曉霜空江南處處黃
垂密雨綠漲葦風帝稱善次日論近臣曰
宋齊愈梅詞非惟不經人道且自開花說
至結子黃熟并天色言之可謂盡之矣後
建炎初泊偕逆罪而齊愈實書張邦昌名
以示衆者遂棄市

夢遊玉京

宋王尚書素旦之子一日欲作疏論事方
据几秉筆忽瞑目夢至一所若瓊瑤世界
殿上有緇服翠冠者曰吾東門侍郎公則
西門侍郎昔以奏牘主帝語傷鯁訐暫謫
人間今公作奏論事有大利害更審之而
後譁也公曰諾寤已三鼓矣乃索筆書一
絕于窓曰似至華胥國裏來雲霞深處見

樓臺月光冷射雞鳴急驚覺遊仙夢一回
晚歲復思玉京之夢又賦詩曰虛碧中藏
白玉京夢魂飛入鳳凰城何時再步雲霞
外皓齒青童已掃廳

賞心亭

丁晉公謂建賞心亭于金陵以家藏袁安
臥雪圖張于其屏圖乃唐周昉筆經十四
守無敢覬覦者後爲太守某鑑去以凡筆

畫蘆雁易之王君王琪來作守登臨賦詩
曰千里秦淮在玉壺江山清麗壯吳都昔
人已化遠天崔舊畫難尋臥雪圖冉冉流
年去京國蕭蕭華髮老江湖殘蟬不會登
臨意又噪西風入座隅

懿卿善笛

嶺南太守問丘公顯居姑蘇東坡每過必
留連嘗言過姑蘇不遊虎丘不謁閻丘乃

二次事一日出後房佐酒有懿卿者善吹
笛坡作水龍吟贈云楚山修竹如雲異材
秀出千林表龍鬚半剪鳳唇微漲玉肌勻
繞木落淮南雨晴雲夢月明風裏自中郎
不見桓伊去後知辜負秋多少 聞道嶺
南太守後堂深綠珠嬌小綺窓學弄梁州
初遍霓裳未了嚼徵含宮泛商流羽一聲
雲杪爲使君洗盡蠻風瘴雨作江天曉

漁家傲

范希文經畧西遘日作漁家傲樂府數闋
皆以塞下秋來爲首句其二云塞下秋來
風景異衡陽雁去無留意四面邊聲連角
起千嶂裏長烟落日孤城閉濁酒一盃
家萬里燕然未勒歸無計羌管悠悠霜滿
地人不寐將軍白髮征夫淚歐陽永叔見
之呼爲窮塞主之詞及尚書王素守平涼

承叔亦作漁家傲詞送之其斷章曰戰勝
歸來飛捷奏傾賀酒玉階遙獻南山壽且
謂王尚書曰此真元帥事也

魏公清望

慶曆末韓魏公琦鎮大名郡有圃號衆春
會歲飢涉春未嘗一遊陳薦在幕府以詩
請公云水底魚龍思鼓吹沙頭鷗鷺望旌
旗公亟答之云細民溝壑方援手別館鶯

花任送春在鎮五年政聲流播天下屬以
爲相

題詩占度

熙寧初韓魏公罷相留守北京新進多凌
慢之公鬱鬱不得志嘗爲詩云花去曉叢
蜂蝶亂雨餘春圃桔槔閒時人服其微婉
公又嘗言人生保初節易保晚節難在北
門九日燕諸曹有詩曰莫羞老圃秋容淡

要看黃花晚節香李彥平深敬此語大書
於壁

題詩齋宮

宋制太社二祭多差近臣王禹玉珪爲翰林學士典內外制十八年屢被遣乃題詩于齋宮云隣雞未唱曉驂催又向靈臺飲福杯自笑治聾知不足明年強健更重來帝聞而憐之遂拜叅知政事

薦福碑

饒州薦福山有唐歐陽詢所書薦福寺碑
顏魯公真卿嘗題其序後人因名魯公亭
范希文鎮鄱陽自有書生獻詩甚工希文
顏偁禮之書生自言天下至寒餓者無在
其右時盛重歐陽薦福寺碑墨本直千錢
希文欲爲打千本使售於京師紙墨已具
一夕雷擊碎其碑時人爲之詔曰有客打

上卷
碑來薦福無人騎鶴上揚州又曰時來風
送滕王閣遲遲雷轟薦福碑蘇東坡作窮
措大詩有一夕雷轟薦福碑句本此

歌詞感德

皇祐中呂申公夷簡乞致仕仁宗因問卿
去誰可代者夷簡以陳堯佐對上遂召還
大拜堯佐極感薦引之德作踏莎行詞携
酒過之申公因使之歌曰三社良辰千家

庭院翩翩又睹雙飛燕
鳳凰巢穩許爲隣
瀟湘煙暝來何晚
亂入紅樓低飛綠岸
畫梁輕拂歌塵轉
爲誰歸去爲誰來
主人恩重珠簾捲
申公聞歌笑曰
自恨捲簾人已老
莫愁調出子無功

春日勝秋

蘇子瞻旣召還除翰林承旨數月以弟嫌
請郡復以舊職知潁州七年正月州堂前

梅花盛開月色鮮
舜王夫人曰春月色勝
如秋月色秋月色令人
慘悽春月色令人
和悅可召趙德麟輩來飲此花下子瞻大
喜曰吾不知子能詩耶此真詩家語耳遂
召趙飲用是語作減字木蘭花云春庭月
午插落春醪光欲舞步轉回廊半落梅花
婉婉香輕風薄霧都是少年行樂處不
似秋光只與離人照斷腸

賦假山

鎖愁堅其先本西域人扈宋南渡遂爲杭
人代有詩名懋堅尤善吟寫成化間遊荅
城朱文理座間索賦其家假山懋堅賦沉
醉東風一闕云風過處香生院宇雨收時
翠濕琴書移來小朶峰幻出天然趣倚闌
干盡日披圖謾說蓬萊恐是虛只此是神
仙洞府爲一時所稱

錢參政夢

成弘間臨海錢參政某爲諸生時嘗夢有
夜汎舟中流賦詩一聯曰夜色一篷月江
聲兩岸潮後二十年自嶺南謝事歸帶月
行卅潮聲初至恍然如見往時夢中之景
感歎人生行止似不偶然因慘然不樂至
五鼓不疾而終

體方奇遇

陳體方以詩名吳中有妓黃秀雲好詩謬
謂陳曰吾必嫁君然君家貧貧爲詩百首
贈我以爲聘資乎體方信之爲賦至六十
餘篇情致清婉傳誦詞林秀雲性黠慧利
于得詩本無意于體方也人笑其老耄被
絀而體方欣然以爲奇遇

五月菊

康熙壬申夏黃菊成開傳爲洋菊考容齋

隨筆載桐城朱新仲翬五月菊詞云玉臺
金盞對炎光全似去年香有意莊嚴端午
不應忘却重陽菖蒲九節金英滿把同泛
瑤觴舊日東籬陶令北窓高臥羲皇堯仙
張翥又詩益嘉話載趙伯琳詩爲嫌陶令
醉來伴屈原醒陳白沙集有正月菊二絕
五月菊三絕農丈人集有六月菊詩云惟
杭新城有之考之菊譜不獨新城有也

九字詩

中峰和尚有九字梅花詩云昨夜西風吹
折千林稍渡口小艇滾入沙灘均野寺古
梅獨臥寒屋角疎影橫斜暗上書牕敲盧
贊元有酴醾花詩云天將花王國艷殿春
色酴醾洗粧素頰相追陪絕勝濃英綴枝
不韻李堪友橫斜照水先攬橫兩詩非不
佳然自一畫以至四言五言六言七言極

卷之三
三
矣又復九之必且十一十三以至手無窮
如吳中之急口山歌而後已故錄之以爲
文勝之戒

詩三關吏

武進顧霞山明坐事亡命過將壘關關吏
呵止之顧獻詩曰落魄江湖過滄海瀟瀟
行李一扁舟撐腸挂腹三千卷盡欲輸君
助國謀事見詩以延接之厚適而云

沈石田

沈石田嘗寓西湖寶石峰僧舍爲求畫者
所窘劉邦彥英朝之云送紙敲門索畫頻
僧樓無處避紅塵東歸夢了南遊債須化
金仙百億身

咏酒

林粹夫廷玉咏酒塞鴻秋詞云米明王原
掌奇門印曲將軍會擺迷魂陣水中郎穩

坐重安鎮柴令公傳示蘭陵信祭遵並矢
威率白蠻書令那愁城攻破莫逃命

擊鼓催花

李西涯赴吳原博飲席上用擊鼓催花令
戲成一律曰擊鼓當筵四座驚花枝落繹
往來輕鼓翻急雨山頭脚花開狂蜂葉底
聲上苑枯榮元有數東風去住本無情未
誇刻燭多才思一過須教八韻成

韓汝節題松

朝邑韓汝節邦奇居官廉勁自持宸濠令
一士詐爲羽客往說汝節以所繪松請題
韓題云勁節貞心本自奇四時常見綠猗
猗笑他江上桃花樹爲放春光三兩枝士
喻意不敢言而退○堯山堂載朝邑劉太
守偉死已廿年汝節復見之與之飲食亦
不敢問其何來此事甚異

韓汝慶詞

韓邦靖字汝慶汝節弟同科進士爲山西
叅政養病回書山坡羊于驛壁曰肯排山
南山北偃青倒海東海西翻我如今心兒
裏不緊意見裏有些懶如今一箇箇平步
裏上青天一箇箇日月近龍顏青山綠水
且讓我閒遊玩明月清風你要忙時我要
閒嚴潭你會釣魚誰不會把竿陳搏你會

睡時誰不曾眠

濯足圖

天順初岳季方正自翰林入閣英廟深所
眷注爲曹石所傾謫欽州同知成化初部
院大臣薦正宜大用有忌正者僞爲正劾
內閣李賢疏草賢銜之假歷練之說票肯
陞知興化府適有以濯足圖求題者正感
而有作曰踏遍天涯兩足存西馳未定又

南奔人間有水皆堪濯何必滄浪一段渾

五指山

瓊州定安縣南五指山卽黎母山瓊崖之
望也丘文莊濬少時咏詩曰五峯如指翠
相連撐起炎州半壁天夜盪銀河摘星斗
朝探碧落弄雲煙雨餘玉筍空中見月出
明珠掌上懸豈是巨靈伸一臂遙從海外
數中原識者知其異曰必貴

代試

弘治中南京龍霓精于文義中壬子書魁
乙卯代都御史金澤子達入試浙場又中
第八及會試復代作同中甲科人有詩嘲
之曰阿翁一自轉都堂百計千方幹入場
金澤財多兒子劣龍霓家窘試文長有錢
使得鬼推磨無學却教人頂缸寄與兩京
言路者好排闥闖說彈章其詩成擢二人

皆不容于清議一止浙僉一止太僕丞今
科場令批首立貢院門內辨閱同試者面
貌方入蓋由此始○萬曆丙辰吳江沈同
和倩同邑趙鳴陽代筆沈中會元趙中第
六爲言者所劾逮問璫革有丙辰會錄斷
么絕六之謠

無眼無頭

萬曆丁丑張太岳子嗣修榜眼及第庚辰

懋修復登鼎元有無名子揭詩于朝門曰
狀元榜眼姓俱張未必文星照楚邦若是
相公堅不去六郎還作探花郎後俱削籍
故又語曰丁丑無服庚辰無頭

俗諺題破

孔退之幼在金陵郡庠從戴表元游表元
因暇每以俗諺作題令諸生破如經義法
一日命破樓字退之曰因地之不足取天

之有餘表元大喜又命以諺云寧可死莫
與秀才擔擔子肚裏餓打火又無米破曰
小人無知不肯竭力以事君子君子有義
不能求食以養小人○明蔣燾徐武功甥
幼聰穎嘗遊市中值內迫出于旁舍主人
偶見不及拭而去主人知爲燾追及以此
爲題令破燾應聲云內有所迫不擇地而
施外有所遺不潔身而去

宋人戲破

宋末人戲作破題古曲題云看看月上蒲
萄架那人應是不來也最苦是一雙鳳枕
閒在繡幃下破云時至人未至君子不能
無疑心物偶人未偶君子不能無感心吳
歌題云月子彎彎照九州幾家歡樂幾家
愁幾家夫婦同羅帳幾家漂散在他州破
云運于上者無遠近之殊形于下者有悲

臣等奏
卷三
歡之異小曲題云媽媽只要光光鏝我苦
何曾管雪下去當官賣酒輪番幾曾得免
忘容懶有客教奴伴破云吾親徇利而忘
義既不能以憂人之憂吾身徇公而忘私
又強欲以樂人之樂

伸默善破

何伸默景明少能文善于破冒見者疑之
因出梁惠王章句上一句命破卽應聲曰

以一國僭竊之圭冠七篇仁義之書嘗遇
端午隣家相餽角黍號羊角粽有出以爲
題曰羊角粽東家送了西家送破日以物
之象象乎物以人之惠惠乎人又有出其
鄉諺爲題曰張豆腐李豆腐一夜思量千
百計明朝依舊賣豆腐破曰姓雖異而業
則同心無窮而分有限年十七舉于鄉北
上同會試者聞善破名因出小車題求破

乃舉成語應之曰任重而道遠待人而後行同儕相與敬門

江王對句

嘉靖戊戌行人江鯤素有心疾憂貧雉經御史王弘道以小事拂意自刎長文愍卽事爲對曰自經溝瀆其何以行之哉執其寫才不可以入道也人以其爲警切不踰十年文愍身首異處于都市世事難料如此

相國寺僧

瞿宗吉嘗與黃體方過汴梁相國寺謂有
南方花木之勝香茗之供而鄙俗殊甚僧
皆擅帽皮靴髮長過寸言貌龕俗體方呼
爲惡僧口占云步入空門見惡僧紅氍被
體髮髯髻瞿宗吉續之曰一言能得君王意
安得當年老贊寧

軟紅塵

汴梁爲宋東京卽今開封府士人宦遊者
少得清暇以遂宴賞之樂當時有賣花擔
上觀桃李拍酒樓頭聽管絃之句黃體方
續之云雨後淤泥填紫陌風前塵土障青
天蓋行道無溝渠又不用磚石甃砌雨過
則行潦縱橫而地迫黃河風起則塵沙蔽
目不可開目嘗集體仁門體方戲語同列
曰此所謂東華軟紅塵也

改觀爲寺

至元中楊璉真伽恢復佛寺三十餘所時
棄道爲僧者七八百人皆掛冠于上永福
寺帝師殿梁間飛來峰石壁皆鐫佛像會
稽王元章冕詩云白石皆成佛蒼頭半是
僧鑑湖天長觀有道士爲僧者獻觀于總
統云是賀知章倚托史彌遠聲勢將寺改
觀乞復原寺額揚髭從其語時傳以爲笑

喇叭曲

正德間闔寺當權往來河下者無底日每
到輒吹號頭齊集丁夫民不堪今高郵王
鴻漸磐號西樓有咏喇叭朝天子詞云喇
叭鎖哪由兒小腔兒大官船來往亂如麻
全仗您擡聲價軍聽了軍愁民聽了民怕
那里去辨甚麼真共假眼見的吹翻了這
家吹傷了那家只吹的水淨鵝飛罷

十二時頌

羅湖野錄載寶峰湛堂準有十二時頌曰
雞鳴丑念佛起來嬾開口上樓敲磬兩三
聲驚散飛禽方丈後平旦寅當人有道
事須親曾聞先聖有慈訓莫認痴狂作近
隣日出卯大道分明莫外討日用縱橫
在目前逢原左右拈來早食時辰更無
一法可當情千里出山雲有色一源投澗

堅瓠集

卷三

七

庚

水無聲 禺中已龍象須觀第一義若向
其中覓是非見解何曾有李二 日南午
理事相諳更相互三門拈向燈籠頭休問
他家覓歸路 日昃未法身清淨絕方比
乾坤遐邇盡東西千山萬山翠相倚 晡
時申由來大道絕疎親陽和九月百花發
須信壺中別有春 日入西淨室焚香孤
坐久忽然月上蒲東牕照我牀頭瑞香斗

黃昏戍樓上鳴鐘已落日行次旅店宿
長途花上游蜂罷采蜜人定亥老鼠此
時正無礙忽然燈滅寢堂前牀頭咬我鞞
鞞袋半夜子夢裏分明被人使連宵合
藥到天光起來何處有白芷○吾郡李暉
庵先生名炳字文中亦有十二時歌云平
旦寅日出扶桑萬象呈欲了此生難了事
爲圖生計事還生纔舉足向前程也須步

步有回身康衢只在能知止莫就巉巖仄
經行平平平日出卯自家消息自家討
直心實行是修持不用思量與計較作業
苦作善好四聖六凡方寸造些微報應
影隨形將來一一還天道巧巧巧食時
辰家家擔米釜添薪醫滿飢瘡纔覺可可
曾回顧本來身隨喜笑放輦呻世情多假
不多真但着聲形渾是夢夢中人語夢中

人醒醒醒 島中已是非非是非非是顛
倒之中更顛倒五色迷離誰是主失莫悲
得莫喜貴賤窮通不是你自有衣中無價
珠舊日與君君不記取取取 日南午黃
梁夢斷人今古掃空世界道心生道在不
聞與不睹既非聾又非聵本無生死休吞
吐只圖外景強營爲要緊之中無寸補苦
苦苦 日跌未勞生逐境頻來去鹹淡酸

甜苦辣辛道味不嘗嘗世味財和色酒共
氣藥餐飛鎗要會避猛然勘破此機關面
對神仙撮把戲屁屁屁 晡時申趨炎附
勢揔無情殘葉風涼掃蚊蚋一朝樹倒散
御猴好垂覺弄聰明詐僞虛華何處行實
實平平忠信理煉成一字入人深真真真
日人留得歇手時須歇手世情儼淡事
花空死往生來人某某魯陽戈夸父走到

此也應多氣吼神銷力盡強撐持只爲爭
前忌背後守守守黃昏戊前途事暗如
黑漆只教點得一心燈保你游行無跌失
魚少水駒過隙但念無常莫放逸悠悠忽
忽過時光天豈虛生我這日惜惜惜人
定亥裝箱疊籠收傀儡勸君妄想且休休
枕上思多不自在毋爲福母爲罪真空便
是真主宰一場忙亂事臨頭不可勢今不

可賄乃乃乃 半夜子天道人心週復始
煉性修真要此時自強不息真君子勞我
生逸則死面壁經行爲何事倒身神識便
昏迷獸人但別心懺豎起起 雞鳴丑
孳茲舜蹠同途走不分義利各爭先只望
他無我獨有人然然天否否從來何事能
長久積得多金高得官臨行撒却雙空手
醜醜醜